

Na osnovu člana 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst i 2/17), člana 62., 63. i 66. Zakona o građevinskom zemljištu F BiH ("Službene novine Federacije BiH", broj 25/03 i 67/05), te u skladu sa članom 23. Odluke o građevinskom zemljištu ("Službene novine Kantona Sarajevo", broj 23/14), Općinsko vijeće Općine Novi Grad Sarajevo, na 15. sjednici održanoj dana 29.03.2018. godine, donosi

ODLUKU**O UTVRĐIVANJU PROSJEČNE KONAČNE
GRAĐEVINSKE CIJENE PO 1 M² KORISNE POVRŠINE
U STAMBENOJ IZGRADNJI NA PODRUČJU OPĆINE
NOVI GRAD SARAJEVO U 2017. GODINI**

Član 1.

Ovom Odlukom određuje se visina naknade prosječne konačne građevinske cijene 1 m² korisne stambene površine na području Općine Novi Grad Sarajevo u 2017. godini.

Član 2.

Prosječna konačna građevinska cijena 1 m² korisne stambene površine na području Općine Novi Grad Sarajevo u 2017. godini iznosi 1.350,00 KM.

Član 3.

Utvrđena cijena iz člana 2. ove Odluke prihvata se kao osnovica za utvrđivanje naknade za pogodnost lokacije - rentu za

2018. godinu, za 1 m² korisnog prostora objekta koji se gradi na području Općine Novi Grad Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-7704/18
3. aprila 2018. godine
Sarajevo

Predsjedavajući
Općinskog vijeća
Dr. Rusmir Baljić, s. r.

Na osnovu člana člana 33. stav 4. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst), Općinsko vijeće Novi Grad Sarajevo, na 15. sjednici održanoj 29.03.2018. godine, donijelo je

RJEŠENJE**O IZBORU ZAMJENIKA PREDSEDAVAJUĆEG
OPĆINSKOG VIJEĆA NOVI GRAD SARAJEVO**

I

Elvis Hodžić, izabran je za zamjenika predsjedavajućeg Općinskog vijeća Novi Grad Sarajevo.

II

Rješenje objaviti u "Službenim novinama Kantona Sarajevo".

Broj 01-02-7701/18
03. aprila 2018. godine
Sarajevo

Predsjedavajući
Općinskog vijeća
Dr. Rusmir Baljić, s. r.

OPĆINA NOVO SARAJEVO**Općinski načelnik**

Općinski načelnik, na osnovu člana 34. Zakona o ustanovama ("Službeni list RBiH", broj 6/92, 8/93 i 13/94) i člana 19. Odluke o osnivanju Javne ustanove "Međunarodni centar za djecu i omladinu Novo Sarajevo" - Prečišćeni tekst ("Službene novine Kantona Sarajevo", br. 4/11), donosi

RJEŠENJE**O IMENOVANJU PREDSEDNIKA NADZORNOG
ODBORA JAVNE USTANOVE "MEĐUNARODNI
CENTAR ZA DJECU I OMLADINU NOVO SARAJEVO"**

I

Za predsjednika Nadzornog odbora JU "Međunarodni centar za djecu i omladinu Novo Sarajevo" imenuje se:

1. LEJLA HADŽIĆ-HAJRO, predsjednica

II

Mandat predsjednika Nadzornog odbora traje do kraja mandata aktuelnom Nadzornom odboru JU "Međunarodni centar za djecu i omladinu Novo Sarajevo" do 30.04.2019. godine.

III

Ovo Rješenje stupa na snagu danom donošenja i objaviti će se u "Službenim novinama Kantona Sarajevo".

Broj 02-05-300/18
20. marta 2018. godine
Sarajevo

Općinski načelnik
Nedžad Koldžo, s. r.

OPĆINA TRNOVO**Općinsko vijeće**

Na osnovu člana 13. Zakona o principima lokalne samuprave u Federaciji Bosne i Hercegovine ("Službene novine Federacije BiH", broj 49/06 i 51/09), i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo na 11. sjednici održanoj 13.03.2018. godine, donijelo je

ODLUKU**O PRIZNANJIMA I NAGRADAMA OPĆINE TRNOVO**

Član 1.

Ovom odlukom određuju se priznanja i nagrade Općine Trnovo, propisuju kriteriji za dodjelu priznanja i nagrada Općine Trnovo, postupak predlaganja i dodjele, broj nagrada i druga pitanja vezana za postupak dodjele priznanja i nagrada.

Član 2.

Priznanja i nagrade Općine Trnovo su:

1. PLAKETA OPĆINE TRNOVO
2. POVELJA POČASNOG GRAĐANINA OPĆINE TRNOVO
3. STEČAK
4. ZAHVALNICA OPĆINE TRNOVO

Član 3.

PLAKETA OPĆINE TRNOVO**Plakete Općine Trnovo se dodjeljuju:****a) kolektivima koji su**

- 1) ostvarili izuzetne rezultate u radu;
- 2) ulagali u proširenje proizvodnih kapaciteta;
- 3) postigli izuzetne rezultate u oblasti nauke, kulture, prosvjetne djelatnosti, vjerskog života, sporta, zdravstva, bezbjednosti, razvoju komunalne infrastrukture, zaštiti radne i prirodne sredine i razvoju dobrih međuljudskih odnosa;
- 4) dali izuzetan doprinos u ostvarivanju prava građana;

- 5) doprinijeli poboljšanju uslova rada i života u MZ na području općine Trnovo;
- 6) značajno doprinijeli u organizaciji i pripremama za odbranu i odbrani zemlje;
- 7) dali izuzetan doprinos u drugim područjima života i rada.

b) pojedincima koji su:

- 1) inovatori na tehničkim i drugim unapređenjima;
- 2) doveli u opasnost svoj život spašavajući druge osobe i materijalna dobra;
- 3) kao donatori humano postupali prema pojedincima ili kolektivima;
- 4) posebno doprinijeli razvoju lokalne samouprave u MZ, općini i poboljšanju uslova života građana;
- 5) uspješno organizovali organe MZ i udruženja, te doprinijeli njihovom radu;
- 6) postigli izuzetne rezultate u oblasti poljoprivredne proizvodnje;
- 7) ostvarili posebne rezultate u sportu, vaspitno-obrazovnom radu, naučnom radu, umjetnosti i kulturi, na međunarodnom, državnom i federalnom nivou;
- 8) značajno doprinijeli u organizaciji i pripremama za odbranu i odbrani zemlje;
- 9) dali izuzetan doprinos u drugim područjima života i rada.

Pojedinačne plakete se mogu dodjeljivati i posthumno. O broju dodjeljenih plaketa odlučuje Općinsko vijeće.

Član 4.

POVELJA POČASNOG GRAĐANINA OPĆINE TRNOVO

Počasnim građaninom Općine Trnovo može se proglasiti građanin Bosne i Hercegovine ili druge države, koji je svojim radom, naučnim ili političkim djelovanjem značajno doprinio napretku i ugledu Općine Trnovo i Bosne i Hercegovine, te doprinio afirmaciji općine Trnovo, ostvarivanju i razvoju demokratije u Bosni i Hercegovini.

Proglašenje počasnim građaninom znak je počasti i ne daje nikakva posebna prava.

Počast se može opozvati ako se počastvovani pokaže nedostojnim takve počasti. Odluku o opozivu donosi Općinsko vijeće Trnovo na prijedlog ovlaštenih predlagača iz člana 8. ove odluke.

Počasnim građaninom može se proglasiti i građanin općine Trnovo, koji je posebno zaslužan za napredak i promociju ugleda Općine Trnovo u Bosni i Hercegovini i izvan državnih granica.

Godišnje se mogu dodijeliti najviše 2 (dva) priznanja.

Član 5.

STEĆAK

Priznanje STEĆAK se dodjeljuje građanima i institucijama Općine i drugih nivoa vlasti u Bosni i Hercegovini, pojedincima i institucijama prijateljskih općina, kao i stranim državljanima i institucijama koje su dale naročit doprinos u razvoju i afirmaciji Općine, promovisanju prirodne i kulturne baštine općine Trnovo razvoju i međuljudskih odnosa na načelima solidarnosti, demokratičnosti, humanosti i tolerancije među ljudima, te pružanju ekonomske pomoći.

Godišnje se mogu dodijeliti najviše 2 (dva) pojedinačna i 2 (dva) kolektivna priznanja.

Član 6.

ZAHVALNICA OPĆINE TRNOVO

Zahvalnica je priznanje koje se dodjeljuje pojedincima i kolektivima koji su dali doprinos u promoviranju Općine Trnovo u oblastima privrede, zdravstva, obrazovanja, nauke, kulture, sporta, bezbjednosti i drugim oblastima života i rada u prethodnim godinama te za iskazanu nesebičnu hrabrost u ratnom i poratnom periodu.

Broj zahvalnica koje se dodjeljuju u toku godine nije ograničen.

Zahvalnice se ne mogu dodjeljivati posthumno.

Član 7.

IZGLED I SADRŽAJ PRIZNANJA

Priznanje sadrži grb Općine Trnovo centriran na vrhu stranice, a ispod tekst "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, OPĆINA TRNOVO, OPĆINSKO VIJEĆE."

Ispod teksta iz prethodnog stava ispisuje se sljedeći tekst: "Na osnovu Odluke Općinskog vijeća Trnovo (navesti broj odluke i datum), a u povodu obilježavanja Dana Općine Trnovo, Općinsko vijeće Trnovo dodjeljuje" pa ispod velikim slovima centrirano u sredini stranice naziv priznanja (plaketa, povelja i sl). Ispod ovog teksta upisuje se naziv ili ime dobitnika priznanja a ispod toga tekst obrazloženja, npr. "za značajan doprinos u oblasti...". U donjem lijevom uglu je oznaka mjesta, datuma i broja odluke, a u desnom uglu je potpis predsjedavajućeg Općinskog vijeća.

Priznanje se štampa na papiru formata A3 ili A4 i sadrži prepoznatljive motive karakteristične za Općinu Trnovo.

Detaljan izgled priznanja utvrdit će općinski načelnik.

Izgled priznanja iz člana 5. i 6. utvrđuje Općinski načelnik.

Član 8.

Prijedlog za dodjelu priznanja iz člana 3. i 4. ove Odluke mogu podnijeti:

- građani koji imaju prebivalište na području Općine Trnovo;
- vijećnici Općinskog vijeća Trnovo;
- općinski načelnik;
- udruženja registrovana na području Općine;
- političke partije koje djeluju na području Općine;
- privredna društva registrovana na području Općine;
- ustanove koje djeluju na području Općine Trnovo;
- savjeti mjesnih zajednica na području Općine Trnovo.

Prijedlog se podnosi Komisiji za javna priznanja i obilježavanje istorijskih događaja i ličnosti u pisanoj formi s obrazloženjem i relevantnim dokazima.

Član 9.

Komisija najkasnije 30 dana od dana određenog za održavanje svečane sjednice Općinskog vijeća Trnovo, objavljuje Javni oglas za dostavu prijedloga za dodjelu priznanja Općine Trnovo.

Javni oglas sadrži sve podatke iz člana 3. i 4. ove Odluke kao i podatke o rokovima i mjestu za dostavu prijedloga.

RAZMATRANJE PRIJAVA I PRIPREMA PRIJEDLOGA

Član 10.

Nakon isteka roka za dostavu prijedloga, Komisija razmatra pristigle prijave na Javni oglas. Prijave pristigle nakon roka utvrđenog Javnim oglasom kao i prijave koje ne sadrže obrazloženje prijedloga, ne razmatraju se.

Član 11.

Nakon razmatranja blagovremenih i potpunih prijava, Komisija cijeneći ispunjavanje uslova propisanih članom 3. i 4. ove Odluke, priprema prijedloge pojedinačnih odluka o dodjeli priznanja i dostavlja ih na usvajanje Općinskom vijeću Trnovo.

Član 12.

Odluku o dodjeli priznanja iz člana 3. i 4. donosi Općinsko vijeće.

Odluku o dodjeli priznanja iz člana 5. i 6. donosi Općinski načelnik cijeneći ispunjavanje uslova propisanih navedenim članovima.

Član 13.

PRIZNANJA Općine Trnovo dodjeljuju se na svečanoj sjednici Općinskog vijeća Trnovo.

Priznanja iz člana 5. i 6. mogu se dodjeljivati u toku cijele godine.

Dobitnicima pojedinačnih PRIZNANJA može se dodijeliti simbolična novčana nagrada ili drugi prigodan poklon o čemu odlučuje Općinski načelnik.

Sredstva za namjene iz stava 3. ovog člana obezbjeđuju se u Budžetu Općine Trnovo.

Priznanja iz člana 3. do 5. ove odluke, mogu se dodijeliti samo jedamput ili izuzetno po protoku pet godina od ranije dodjele.

Član 14.

Stupanjem na snagu ovog Odluke prestaje da važi Odluka o priznanjima i nagradama Općine Trnovo ("Službene novine Kantona Sarajevo", br. 2/16) i Pravilnik o kriterijima za dodjelu priznanja i nagrada Općine Trnovo ("Službene novine Kantona Sarajevo", br. 2/16).

Član 15.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-1085/18
15. marta 2018. godine
Trnovo

Predsjedavajuća
Općinskog vijeća Trnovo
Emina Mehmedagić, s. r.

Odluka objavljena na oglasnoj ploči Općine Trnovo dana 15.03.2018. godine.

Na osnovu člana 29. Zakona o lokalnoj samoupravi (Službene novine Kantona Sarajevo", broj 22/00 - Prečišćeni tekst), člana 25 i 34. Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 11. sjednici, održanoj dana 13.03.2018. godine, donjelo je

ODLUKU

**O PRISTUPANJU IZRADI URBANISTIČKOG
PROJEKTA "MEMORIJALNI CENTAR PROSKOK"**

Vrsta Plana

Član 1.

Pristupa se izradi Urbanističkog projekta "Memorijalni centar Proskok" (u daljem tekstu: Plana).

Granice područja za koje se Plan radi

Član 2.

Obuhvat počinje iz tačke 1. čije koordinate su Y=6526242; X=4839118, dalje nastavlja pravcem sjeveroistok i dolazi u tačku broj 2. sa koordinatama Y=6526349; X=4839233, naglo skrećući dolazi na tromedu parcela 1464, 1488 i 1465/1, produžava granicom parcele 1464 i dolazi do tačke broj 3. sa koordinatama Y=6526341; X=4839239. Naglo skrećući u pravcu jugoistok dolazi do tačke 4. sa koordinatama Y=6526441; X=4839020, produžava navedenim pravcem do tačke broj 5. gdje je Y=6526466; X=4838923, produžava u tačku broj 6. a tu je Y=6526511; X=4838844, granica nastavlja pravcem jugoistok i dolazi u tačku broj 7. sa Y=6526579; X=4838769, iz tačke 7. granica dolazi u lomnu tačku broj 8. sa koordinatama Y=6526645; X=4839748. Iz tačke 8. granica obuhvata se kreće u pravcu juga i dolazi u lomnu tačku 9. gdje je Y=6526659; X=4838592. Skrećući naglo prema zapadu granica obuhvata dolazi do tačke 10. sa koordinatama Y=6526502; X=4838638. Iz tačke 10. nastavlja pravcem jugozapad i dolazi u tačku broj 11. a tu je Y=6526459; X=4838614, produžava dalje do tačke broj 12. čije koordinate su Y=6526416; X=4838557. Iz tačke 12. granica naglo lomi prema sjeverozapadu i dolazi na mednu belegu

parcela 3398 i 1488. Granica obuhvata dalje nastavlja granicom parcela 3398, 3397 i 3396 i dolazi do tačke broj 15. a tu je Y=6526468; X=4838726. Obuhvat iz tačke 15. dolazi u lomnu tačku 16. sa koordinatama Y=6526504; X=4838755. Mijenjajući pravac prema sjeverozapadu dolazi do tačke 17. gdje je Y=6526375; X=4839099, obuhvat iz navedene tačke dolazi do medne belege tj. na granicu parcela 1482/1 i 1488, a to je tačka 18. i tu je Y=6526332; X=4839115. Produžavajući granicom parcele 1482/1 dolazi u tačku broj 19. sa koordinatama Y=6526251; X=4839093. Iz navedene tačke granica obuhvata dolazi u tačku broj 1. odakle je obuhvat i krenuo.

Obuhvat smješten je na dijelovima parcela broj 1488, 3736 i 3395/1 K.o. Dejčići, općina Trnovo.

Površina opisanog obuhvata je 5,2 ha.

Član 3.

Obezbijediti ažurnu geodetsku i geološku podlogu u razmjeri 1:500 sa podacima o posjedovnom stanju i ažurnom katastru komunalne infrastrukture;

Vremenski period za koji se Plan donosi

Član 4.

Plan se donosi za period do donošenja novog Plana.

Smjernice za izradu Plana

Član 5.

A) Osnovna usmjerenja za izradu Plana su:

- Izmjenama i dopunama Prostornog plana Kantona Sarajevo za period 2003. do 2023. g. - B faza prema kojima se područje planiranja nalazi u zoni "sport-rekreacija" - namjena građevinsko zemljište u prostoru "Evidentirane i zaštićene cjeline prirodnog i kulturno-historijskog naslijeđa Bjelašnica i Igman" ("Službene novine Kantona Sarajevo", br. 22/17).
- Odlukom o provođenju Prostornog plana Kantona Sarajevo za period 2003.-2023. godina i članom 73. "Pri izradi planskih dokumenata potrebno je za objekte prirodnog naslijeđa koji su pod zaštitom uvesti i posebne režime korištenja sa aspekta turističkih posjeta, obezbijediti adekvatnu infrastrukturu za zone u kojima su dozvoljene turističke posjete i uskladiti režime zaštite sa uspostavom održivog razvoja ovih područja".
- Kroz koncept prostorne organizacije u granicama planiranja potrebno je maksimalno poštovati načela zaštite, uređenja i unapređenja specifičnih vrijednosti predmetnog područja, posebno vodeći računa o zaštiti prirodne sredine.
- Planom obuhvaćeno područje u prostorno-funkcionalnom smislu posmatrati kao integralnu cjelinu u turističkoj i sportsko-rekreativnoj ponudi i planirati mogućnosti i način izgradnje sportsko-rekreativnih sadržaja primjeren datim uslovima i ambijentu.
- Radi specifičnosti područja, osnovna koncepcija uređenja i izgradnje prostorne cjeline sa prijedlogom namjene sadržaja treba da se međusobno dopunjava sa sadržajima na području ukupnog sportsko-rekreativnog i turističkog područja, i da predstavlja jednu cjelinu koja će dati novi razvojni identitet ovom području;
- Osnovna usmjerenja za izradu Plana su:
 - Izvršiti geodetsko snimanje postojećeg stanja u obuhvatu Plana u vektorskom obliku u razmjeri 1:500. Uz geodetske podloge potrebno je obezbijediti i podatke o posjedovnom stanju i ažurnom katastru komunalne infrastrukture;
 - Izvršiti istražne radove za izradu elaborata o inženjersko-geološkim osobinama terena, a na osnovu projektnog zadatka koji će definisati obim istražnih radova u granicama Plana;
 - Izvršiti analizu stanja u prostoru;